

Шочмо эл, порылык да чын верч!

Будь готов!

16-шо (3612) №,
2023 ий 21 апрель,
кугарня.

Ямде лий



0+

1933 ий 1 февраль годсек лектеш.

Талешкылан чапмурым мурена

Ий еда 26 апрельште марий калык эн чолга, лүддымө, эрык верч шогышо талешкыже-шамычым шарналта. Онарлан, Чумбылатлан, Акпарслан, Мамич Бердейлан, Акпатырлан да молылан вуйым савен, чапмурым йонгалтара. Теве Волжский район Кугу Корамас школын тунемшыже Настя Михайлова Чоткар патыр нерген тыгай почеламутым возен:

«Чоткар коча ойлен коден Пырля, вашла келшен илаш. Шке элым, чон ден йоратен, Вияным, патырым ышташ.

Сандене, сугыньжым шуктен, Ме сай отметкым налына. Кугезе кочанам шарнен, Ме тудлан вуйым савена».

Нине корнылам Настя, Чоткарлан тауштен, талешкын памятникше ончылно кумыл нолтын лудын. Ёдыр онаен А.А.Фёдоров, Аня шўжарже да Алевтина Алексеевна коваж дене пырля Чоткарын памятникше воктеке миен (снимкыште).

– Чоткар XIII курымышто илен. Легенде почеш палена: тудо марий яллам кочевник-влак деч арален. Патыр кердыж ден щитышым шўжарышке пеленже тояш кўштен. Йöсö татыште я тушман керылташ тўналмеке, марий калыкшылан польшышым пуаш сöрен. Марий сьлнымутышто тудлан пöлеклалтше ятыр произведений уло. Ме нуным кугешнен лудына, – ойла Настя.

Х.АЛЕКСАНДРОВА.



26 апрель –
Марий талешке
кече.

Фотом еш архив гыч налме.



Пагалыме лудшына-влак, 2023 ийын
кокымшо пелыйжылан подписке тургым тўналын.

«Ямде лий» газетлан почто отделенийште, podpiska.pochta.ru сайт полшымо дене возалташ лиш:

индекс – П4696.

Ак – 403 тенгеат 32 ыр.

Редакций гоч: ак – 150 тенге. Электрон газетым луднеда гын, 89027382237 телефон номер дене Сбербанкыш 150 тенгем колтыза да yamde_lii@mail.ru адресыш лўмнердам возыза.

Подпискым ыштыше-влак коклаште лотерей модыш эртаралтеш.

Рекламе.

ПОДПИСКЕ

Куандарыше лектыш

Право дене всероссийский олимпиадын пытаргыш йыжынже Уфа олаште эртаралтын. Марий Элын чапшым Йошкар-Оласе Т.В.Иштрикова лүмеш «Синяя птица» гимназийын 9-ше классыштыже тунемше Виктория Маклакова (**снимкыште**) арален да призёр лийын.

– Олимпиаде оңай да шонач таратыше лийын. Устный таңасыште нелылык шижалтын. Мыланем «Правовые проблемы обеспечения биологической безопасности» теме дене шке шоньмашым каласкалалш кўлын. Туныктышем Ксения Ивановна Ушакован сайын ямдылымжлан көра ты таңасыште 25 балл гыч коло кумытым погенам, – ойла Виктория.



Фотом интернет гыч налме.

Ульяновск олаште обществознаний дене всероссийский олимпиадын пытаргыш йыжынжым иктешленит. Йошкар-Оласе Бауман лицейын 9-ше классыштыже тунемше Дарья Гвоздева шинчымашыжым терген да призёр лийын.

Йошкар-Оласе А.С.Пушкин лүмеш 4-ше номеран гимназийын тунемшыже Ксения Аганина физкультур дене всероссийский олимпиадын пытаргыш йыжынштыже таңасен да призёр лийын. Олимпиаде Нижний Новгородшыто эртаралтын.

Е.ИВАНОВА ямдылен.

ОБРАЗОВАНИЕ
НАЦИОНАЛЬНЫЕ
ПРОЕКТЫ
РОССИИ

«Образований» нацпроектын «Патриотическое воспитание граждан Российской Федерации» федерал проектше почеш всероссийский кадет диктант 25-27 апрельште эртаралтеш. Кадет класслаште тунемше-влак онлайн-викториныште уш-акылыштым тергаш тўналыт. Тушко ушнаш манын, 24 апрель марте йодмашым колтыман. Тўрыс уверым кадеты.рус сайтыште «Диктант» ужашыште ончыман.



Фотом лицейын архивше гыч налме.

Пўсö уш-акылан – ончылно

Советский посёлкысо 3-шо номеран школышто «Менделеевский лудмаш» республикысе шанче-практике конференций латкокымшо гана эртаралтын. Марий Эл Республикысе кандаш районышто тўрлö школышто 1-11-ше класслаште тунемше 98 ўдыр-рвезе ушнен. Нунын коклаште Морко район Коркатово лицейын 11-ше «А» классыштыже тунемше-влак лийыныт (**снимкыште**). Нуно химий, биологий, экологий предметла дене келге шинчымашым ончыктенит да сеныше-шамыч радамыш лектыныт. Тыгай кўкшытыш шуаш нунылан туныктышышт В.М.Васильева, Р.А.Новикова, С.Ю.Егорова полшенит.

В.СМИРНОВ.

Российысе увер

12-18 ияш улыда, ойлымашым, сценарийым возаш йöратеда? Тугеже «История, достойная фильма» всероссийский конкурсе – тыланда. Кок таңас гыч иктыжым ойырен, пашам зеркалобудущего.рф сайтыш 30 апрель марте колтыза.

Ашнаш налме ешыште кушшо, йочапöргыштö, школ-интернатыште ильше усталык шўлышан 7-18 ияш ўдыр-рвезе-влакым «НТВ» телеканалысе «Ты супер» тўнямбал проектш кастиным эрташ ўжыт. Йодмашым 15 май марте колтыман.

Санкт-Петербургыш 320 ияш лүмгечыжлан пöлеклалтше викториным школышто тунемше-влаклан увертареныт. Йодыш-шамычлан вашмутым open-spb.uchi.ru сайтыште 15 май марте пуыман.

Марий Элысе увер

Республикысе марий тўвыра рüдер «Сенгымаш корно дене» республикысе усталык онлайн-конкурсым эрара. Паша ден йодмашым mari-centr_konkurs@mail.ru адрес дене электрон почтыш 30 апрель марте колтыман.

Игече шокшо шогымылан көра Марий Эл Республикыште 10 май марте чодыраш пураш чарыме. Лесничестве кумдыкыш транспорт дене пураш, тулотым олташ, кукшо шудым, куштырам йўлалташ огеш лий.

Йошкар-Оласе «Виктория» йоча музыкальный театр «Культур» нацпроектын «Творческие люди» федерал проектше почеш Российысе тўвыра фондын эртарыме конкурсышто сенгышыш лектын. А.С.Пушкинын «Евгений Онегин» романже почеш «Татьяна» спектакльым шындат.

«Сылнымут алмаштышын» саскаже

Россий писатель ушемын Марий Элысе пӧлкаже самырык-влаклан «Сылнымут алмаштыш» республикысе конкурсым ий еда эртарат. Тений тудо марий сылнымутын классикше С.Г.Чавайнын шочмыжлан 135 ий да РСФСР-ын сулло туныктышыжо, Кугу Ачамланде сарын участникше В.Ф.Сапаевын шочмыжлан 100 ий теммылан пӧлеклалтын. Конкурсым Марий Эл Республикысе тӱвыра, печать да калык-влакын пашашт шотышто министерствын, «Ший памаш» сылнымут фондын полшымышт дене эртареныт.

– Рушла да марла возышо 150 утла самырык авторын пашажым аклыме. Ты гана почеламут ден йомак шукырак лийыныт. Пӱртӱс, шочмо кундем, вериӧр нерген сочинений сынан каласкалымаш ятыр пурен. Сеҥыше-влакым «Поэзий» да «Прозе» таҥаслаште палемдыме. Ӱдыр-рвезе-влак туныктышыштын полишымаштан кӧра сеҥымашке шуыт. Нуньлан дипломым да пӧлекым кучыктым, – оила Россий писатель ушемын Марий Элысе пӧлкажым вуйлатыше С.Д.Архипова.

Конкурсыш пурышо паша-влакым тӱрлӧ изданийыште савыкташ тӱналыт. Самырык



Фотом лицейын архивше гыч налме.

Морко район Коркатово лицейын тунемшыже-влакат конкурсын тӱрлӧ таҥасышкыже ушненыт. Регина Егорова ойлымашыж дене сеҥышыш лектын. Никита Васильев, Кира Смирнова, Надя Рассанова кокымшо лийыныт, Александра Васильева – кумшо. Нуным снимкыште ужыда. Ксения Иванова марла возымо почеламутшо дене кокымшо верым налын. Настя Михайлова ден Ангелина Уразаева рушла возымо почеламутышт дене кумшо верыш лектыныт.

возышо-шамычым «Сылнымут шыже» республикысе сылнымут семинарыш ӱжыт. Лӱмлӧ писатель, поэт, журналист-влак дене вашлийын мутланымаш пайдале да шергакан.

Е.ИВАНОВА.

Суксо ӱдыр



Фотом школ архивше гыч налме.

Ик кечын ме, 4-ше классыште тунемше ӱдыр-рвезе-влак, Унчо селаште верланыше «Порсын кумыл» тӱрлымӧ пӧртыш уналыкеш миенна. Тушто тӱрлӧ тӱсан шӱртӧ гыч ыштыме Суксо ӱдыр дене палыме лийынна. Тӱрлымӧ пӧртын паша-енгышт мыланнат тыгай курчакым ыштен ончаш темленыт. Пашалан рӱж пижынна **(снимкыште)**. Икмыняр жап гыч мемнанат курчакна шочын. Чыланат нӧлталтше кумылан мӧнтӧ пӧртылынна.

4-ше классыште тунемше-влак.

Морко, Унчо.

Кугече

Волгыдо Кугече пайремым изижат-кугужат вученна. Сотнур школ пеленысе «Свечечка» йоча ушемын ӱдыр-рвезыже-влак ты пайремлан чот ямдылалтыныт. Тӱналтыш класслаште тунемше-шамычлан Кугече пайремын историйже, тӱрлӧ йӱлаж нерген каласкаленыт. Пайремыште Сотнур селасе Святой-Троице лӱмеш черкын настоятельже иерей Игорь Сапаев лийын. Тудо Кугече пайрем дене саламлен да мутым колыштшо, поро кумылан, весылан полшаш ямде лийын кушкеш тыланен.

А.ЧЕРНОВА.

Волжский район.

Синквейн

Пенал

Мотор, кӱлешан.

Почылгеш, петгырналгеш, кия.

Кажне кечын школьш нумалам.

Арвер.

Никита ХАЛТУРИН.

Советский, Ӗрша.

Виян лийже айдемын койышыштыжат – Айдеме!

В.КОЛУМБ.

Поро йӱла

Ешыштына поро йӱла уло: Кугече кечын, ӱстел чесым тамлымеке, Токтарсола кундемын пӱртӱсшым ончал савырнена. Теният ты йӱлам шуктышна. Ачам, авам, Лӱва шольым, Яна шӱжарем да мый корныш тарванышна. Эн ончыч памаш дек лишемна. Ший гай вӱдшым подылна, чурийым, кидым шӱалтышна. Вара Курыкӱмбал ялын мотор суртшо-влакым куанен ончышна. «Первый Май» ялозанлыкын кумда пасушкыжат миен шуна. «Вашке ӱдаш лектыт», – мане ачам. Элеволко пӱян ший гай вӱдшым эскерышна. Онар пӱямат ӧрдыжеш ышна кодо.

Родион НЕБОГАТИКОВ.

У Торъял район.




Тукым улына

Патыр тукымын эргыже

А.М.Юзыкайнын шочмыжлан – 80 ий.

Журналист, серызе, мер пашаен А.М.Юзыкайн 1943 ий 20 апрельште Башкортостан Республикасы Краснокам район Чормак ялеш шочын. Верысе шымияш школ деч вара Арлан кыдалаш школым тунем лектын. 1961 ийыште комсомол путёвко дене Стерлитамак олаште химзаводым чонымаште лийын. Вара Совет Армий радамыште служитлен. 1965



ийыште Озан университетыш тунемаш пурен. Кум ий тунеммек, заочный отделенийыш куснен. Паша корныжым Морко районысо «Колхозная правда» газет редакцийыште тунгалын. 1969 ийыште «Ямде лий» газет редакцийыш куснен да тушто 1986 ий марте редакторын сомылжым шуктен. 2002-2003 ийлаште уэш йоча газетын тун редакторжо лийын.

А.М.Юзыкайн эреак кожмак, самырык шүм-чонан, илышлан куаныше улмыж дене ойыртегалтын. Тудын ушан-шотан шомакше, кумда шинчаончалгышыже, туня-умылымашыже эре тунемаш, ончыл радамыште лияш, сегымашыш шуаш кумылан денен. А.М.Юзыкайн уста тунуктышо семын ятыр журналист ден сылнымут мастарым кушташ полшен. Нуно таче марий калыкын ончыл енге радамыште улыт.

Г.Л.САБАНЦЕВ, Марий Элын калык писательже: «1974 ийыште Йошкар-Олашке «Сылнымут шыже» семинарышке толынам. Тунам Алексей Михайлович дене икымше гана палыме лийынам. Марий кугыжаныш университетыш тунемаш пурымекат, «Ямде лий» газет редакцийыш дене вашкыл пентгыде лийын. Арня еда тушко куржталынам, газет пашаен-влак тюрло пашам пуэныт: серышлам лончылаш, почеламут-влакым радамлаш да молат. Тидлан мыняр-гынат пашадарым тунелыт. Тиде ял гыч толшо рвезе еглан пеш сай шукалтыш лийын. Алексей Михайлович польш кидым шуялташ, ушан-шотан канашым пуаш, кунеш годым шылталаш эре ямде лийын».

Ю.И.СОЛОВЬЁВ, серызе: «Алексей Михайловичлан умйрем мучко тауштем. Тудо мыйын, парт коклаште шинчыше изи рвезын, чонышко ушан пырчим пыштен моштен. Шернур район Марисола школышто юнкор кружок виян пашам ыштен. Мыйт «Ямде лий» газетышке возкаленам. Тушеч кажне возы мемлан серыш-вашмут толын. А 1977 ийыште «Алексей Юзыкайн» манын палемдыман серышым налынам. Тиде ийынак Йошкар-Олашке юнкор слётышко толынам да шкенжымат ужнынам, кидшым кученам. Тудак ончыкыжым мыланем Марий кугыжаныш университетыш тунемаш каяш темлен. Студент жапыштат Алексей Михайлович дене эре вашлиялтынам, сылнымут деке утларак кумылан денен. Паша корнемат Юзыкайн пелен «Ямде лий» газет редакцийыште тунгалын».



А.М.Юзыкайн – самырык возкалыше-влак дене пырля (1980 ий).

Г.Ф.ГОРДЕЕВ, серызе, драматург: «Мыйын сылнымут корныш шогалмаште Алексей Михайлович кугу верым налын. Тудо мыланем кугурак изам гай лийын. Илыш корнем виктарен, польшкален. «Ыштен моштыдымо паша уке, тунем, возо», – манын, сылнымут пашалан кумылан денен. Студент годымак «Пионер йук» журнал редакцийыште пашам ышташ йоним пуэн. Шарнем, кенежым ик арнялан ялыш лумын возаш поктен колтен. Тыге «Омса вес велне» повесть шочын».

О.Г.ИРКАБАЕВ, Марий самырык театрын художественный вуйлатышыже: «Алексей Юзыкайн калык коклаште лияш йоратен. Нунын верч чоңжо йулен. Мыйын тудын дене икымше вашлиймаш шочмо ялыштем, Тынбайыште, лийын. Мемнам, ялысе

удыр-рвезе-влакым, иквереш поген, кас мучко тюрло нерген каласкален. Тудо ушан шомаклаже, сылнын каласкалымыж дене йочан кумылжым савырен моштен. Тыгай койышыжо вескана ялысе клубышто вашлиймашым эрта-рымж годымат палдырнен. Уло ял калык тудын «Ямде лий» нерген каласкалымыжым шулен колыштын. А мыланем, «Ты ялыште йоча газетын юнкоржо ила» манын, полекым кучыктен. Тиде моткоч шергакан полек лийын: Йошкар-Олан значокшо. Кызытат аралем».

Л.ГРИГОРЬЕВА ямдылен.

Туныктышем

Йоча шочеш ты ош тўняшке
Элнам пашаж ден пойдараш,
Эн первый ошкылым

элнаште
Лўдде, ўшанлын шуйдараш.

Эртат ий-влак
моткочак писын,
Жап тольо парт коклаш
шинчаш.

Кучен ава йочажын кидшым,
Шинчаште тудын – у пиал.

Мемнам вашлие шыргыжалын
Пеш поро, сай туныктышына.
Парт коклаш чылам
шындалын
Пелештыш рац, шыман гына.

Туныктышем, тый уроклаште
Туштан тўняш
лукташ тыршет,
Изи йоча-влакын шўмлашке
Ушан шомакым шындарет.

Настя МИХАЙЛОВА.
Волжский, Кугу Корамас.

Айдеме чыла пален
ок керт. Мом-гынат
иктым чот йўраты-
ман, келгын пальман.

В.КОСОРОТОВ.



В.Крыловын «Ондрин шыргыжеш» повестыше почеш.

Шола гыч пурлашке:
3.Ондрин кўн
почеламут-
шым лудын?

5.Рвезе. 6.Ондрин ачаже.
8.Пошкудо ўдыр.
9.Произведенийын тўн
геройжо.

Кўшыч ўлыкў: 1.Классын
физоргшо. 2.Киномеханик.
4.Ондрин фамилийже. 7.Физ-
культурым туныктышо.

В.СМИРНОВ ямдылен.

«Элнет» Йылмым йывырта

Никита Перцов (**снимкыште**) Йошкар-Оласе 20-шо номеран школын 7-ше клас-сыштыже тунемеш. Чолга рвезе марий сылнымутлан шўман. Садлан мўнгыштыжат марий книга ятыр. С.Чавайнын «Элнет» романжым поснак лудаш келша. Тушеч ужашым «Живая классика» всероссийский конкурсын олесе йыжынгыштыже лудын.

– *Ачам ден авам шочмо йылмым сайын палат. Ешыштына марла мутланена. Каникулан я канышлан ялышке унала кошташ йўратена. Тушто коча-кова-влак дене йылмым палымынам пенгыдемдена. Тыге марий йылме уро-кышто нимогай нелылык дене ом тўжнў. Людмила Иосифовна Шашкован эртары-ме урокышко куанен коштам. «Шочмо йылме вўрышкў курымешлан шыжа. Тудым мондаш огеш лий. Марий сыл-нымутым шергалаш ида ўрканы. Тушто калыкын эртыме корныжо», – умылтара тудо. Тиде ойым ушыштем эре кучем, – ойла Никита.*

Х.АЛЕКСАНДРОВА.
Авторын фотожо.



Лай шошо

Кажне пагыт шке семынже мотор, южгунам ўрыктарыше. Шошо нергенат тыге ойлаш лиеш. Тений тудо мемнан дек эр тольо. Кызыт кече ояр, шокшо. Лывырге, леве мардеж пуалеш. Шудо ужаргаш тўналын. Папашудо кече семын шыргыжеш. Южшо могай яндар! Урем гыч пўртышкў йўршын пурымо огеш шу. Шырчык-влакын мурышт эрдене эрак чоным куандарат. Ялысе калык уремыште, оралте йыр шўкым эрыкта. Йоча-шамыч юарлен модыт. Ача-аваштлан, коча-коваштланат полшаш огыт мондо. Чыла чонан куанен кычкыр-ралнеже: «Шошо толын! Шошо!»

Дима СМЕРНОВ.
Морко, Кожлаер.

Шондык гай

Школыштына марий йылме кабинетыште ятыр папке уло. Но икытше эн кўжгў да ўрыктарыше. Комешыже кугу буква дене «Ямде лий» манын возымо. Нине шомак-влак кумда илышыш, сайын тунемаш ўжшў девиз семын йонгат. Тыгай шонымаш дене папкым почым. А туштыжо мо гына уке! Газет лаштык гыч пўчкын лукмо почеламут, ойлымаш, заметке, такмак, сўрет-влак, туныктыш-шемын изи годсо фотосўретше... Савыкталтше кажне паша йымалне «Наталья Филиппова. Волжский, Сотнур» манын серыме. Тиде папкыште Наталья Ивановнан юнкор пашаже-шамыч аралалтыт улмаш.

Даша ПОКРОВСКАЯ.
Волжский, Памар.

«Я» гыч «А» марте

Шырчык

Ялыште юалге. Эр. Шырчык чечен ўдырла угыч тыматлын сымыстара. Рекс пиемат ўрын онча. Ну, мура! Леве кечым йолташем илен-илен жапла. Ешыж дене гўжла веле. Ба-а-а, артист!

«Русская словесность» кружокын енге-влак.
Волжский, Сотнур.



Мыскара лаштык

«Ко-ко» да «кар-кар»

Ошо, шеме, сур куку,
Калпак вуй гай чал чывем
Пөрт воктене – «ко-ко-ко»,
Пырче дене пеш сийлем.
Чыве-влакым лүдыкташ
Толын лекте шемгорак.
Агытанлан мом ышташ?
Уш каен: «Ко-ко, кар-кар».

Диана ГРИГОРЬЕВА.

Морко, Купсола.

Янлык шыргыжеш

Мый зефирым кочкаш моткоч йөрәтем. Тудо шере, пушкыдо, тамле. Йылмет нелат! Садлан авам зефирым чүчкыдын налеш. Икана пакетшым кидышкем кучышым. Тушто могай янлыкым сүретлымым тўткын ончышым. Тўрлө семен пўтыркалышым. Тарватылшемла, тиде янлыкын шыргыжалмыжым ужым. Тидым шекланен, шкежат йўкын воштыл колтышым. Эсогыл воктене шинчыше пырысем лўдын тўршталтыш. Чу, тиде янлыкым сүретлышаш, шоналтышым. Сүрет ямде, но мом сүретлымем тачат ом пале.

Вика КУЗЬМИНОВА.

Советский, Ушнўр.



Авторын сўретше.

Рывыж

Чоя рывыж пакчашкем
Мўшкырым темаш коштеш.
Кайыклан кормам пыштем,
Авызла да куш шылеш?

Софья АЛЕКСЕЕВА.

Морко, Эгерсола.

Ава Эчук деч йодеш:
– Эргым, молан от коч?
Сур пире гай шуженам
маньгычс.

Эрге воштылал вашешта:
– Авай, кешырым кочшо
пирым ужынат?!

Басне

Сумка туныктен



Икана мый денем тыгай томагай лийын каен. Школыш коштмо сумкам мыланем сырен. Моланжым пален налнеда? Тугеже рашемдем. Шуматкечын, школ гыч толмеке, сумкам диван воктеке кудалтен коденам да рушарня кас марте кидышкемат кучен омыл. А тудо мыйым вучен улмаш. Мўнгысў пашам ышташ шинчам, шонен. Рушарнян кастене сумкам руалтышым – йомын. Шкафыш тўкылалт шинчын. Йонгылышем тўрлаташ манын, ну сўрвалышым вет. Келшышна. Мўнгысў пашам ыштышым, сумкам эрыктышым, книга, тетрадьым радам дене опышым. Сумкам пореште. Тылеч вара кылна лүшкен огыл.

Шернур, Лажьял.

Кирилл ЧЕТКАРЁВ.

Вашкыше Меран

Шужышо Мерангын ушыш мо пура?
Шоналтыдеак, ялыш чымыкта.
Пече рож гыч тўршталта туран,
Кешырым тунамак солалта.

Но озан пий-шамыч шижыч да оптат,
Теве кўчык почшым нуно руалтат.
Кужу йол чымалте кўчык корно ден:
– Да нигўат садак ок шу поктен!

Эх, калтак, ораде, кушко тый чымет?
Чаманем мый тыйын нўргў илышет.
Ший кўварже кўрлын, йўршыш пудырген,
Тале вўд вет тудым шошым нангаен.

А Меран писештын, ончык кудалеш,
Шиждегечын тудо вўдыш шунгалтеш.
А моральже баснын тыгайрак лиеш:
Сайынак шоналте, ит вашке йўршеш.

Александра ГРИГОРЬЕВА.

Морко, Шордўр.

Кў гына омыл

Каласыза, ме кў улына? Эмлымверыште черле улам, кевытыште – налше. Машинам вўдаш шинчым – шофёр лийым, викарыше пелен шинчым – пассажир. Талын куржталаш тўналым, «Спортсмен улат» маньгыч. Библиотекаштыште книга налым, «Чолга лудшына дене кугешнена» манын мокталтышт. Чыла предмет дене «визытан» лекте – отличник. Ужыда, могай гына профессием уке?! Туге гынат кызытеш мый тунемше улам. Тўн сомылем – келге шинчымашым налеш, «визытан» отметке дене ача-авамым куандараш.

Даша СОШИНА.

Морко, Купсола.



– Авай, таче могай тувырым чиём?

– Кўчык шокшаным. Молан йодат?


– Тугеже кидвургемат мушкаш кўлеш.

Сылне пагыт

Шошо – йоратыме пагытем. Кава канде, кечыйол утыр ырыкта, мланде помыжалтеш. Нерешташ тўналше лышташ, ужар шудо – чылажат чоным куандара. Шырчык-влак мурышт дене кумылым нолтат. Южшат эше яндарырак чучеш. Ты пагытыште пўртүсыштö утларак лийме шуэш.

Николай СЕМЁНОВ.
Морко, Зеленогорский.

Электротулым
аныклыза!



Ринат ХАКИМОВЫН сўретше.
Морко, Шенше.

Шошым тумо йолва лиеш –
тар шочеш.

Пўнчö пўгылмö шуко гын,
шож лектышан лиеш.

Куэ лышташым колта гын,
шўльым ўдаш жап шуын.

Калык пале.

Палаш онгай

Эн кугу пингвин урлыклан императорский шотлалтеш. Капшын кўкшытшö 120 сантиметр марте лиеш. Эн изи – кандалге урлык. Кўкшытшö – 33 сантиметр марте.



ФОТОМ ЙОЧАСАДЫН АРЖУИШЕ ГЫЧ НАЛМЕ.

Тазалык кече

Сенькан школ пеленысе йочасадыште Тазалык кечым пайдалын эртаренна. «Пыл» групышко Доктор Айболит унала толын (снимкыште). Тудо йоча-влак дене мутланен, модын, черле модышлам эмлен. Ёдыр-рвезе-шамычлан шўргым, кидым мушмо, яндар южышто лийме, физкультур дене кылым кучымо нерген каласкален. Ме, воспитатель-влак, «Весела тагасымаш» модыш дене модыктенна. Тиде пайрем икшыве-шамычым таза илыш-йўлам кучен илаш кумылан ден манын ўшанена.

М.Г. ФЕДОРОВЫХ.

Медведево район.

Синквейн

Телефон

Шерге, чапле.

Туныкта, ойгандара, куандара.

Мый ум налынам.

Ўзгар.

Злата МАКСИМОВА.

Морко, Эгерсола.

Могай кайык ок
чонеште? Тудым
сўретыште уждыда.



М.ШКЕТАН ЛЎМЕШ МАРИЙ КУГУЖАНЫШ ДРАМЕ ТЕАТР

26 апрель **18:00**

27 апрель **18:00**

Н.Пушкина, С.Яндукова

ЮМЫНЎДЫР 16+

Музика Рекламе. **Дочь Бога**

МАУК ДВОРЕЦ КУЛЬТУРЫ РОССИЙСКОЙ АРМИИ

Олимпиада

СТУДИЯ СПОРТИВНОГО БАЛЬНОГО ТАНЦА "ОЛИМПИА"

ОБЪЯВЛЯЕТ НАБОР С 17 АПРЕЛЯ!

- ★ Дети(1) 5 - 6 лет
- ★ Дети(2) 7 - 10 лет
- ★ Юниоры(1) 11 - 13 лет
- ★ Юниоры(2) 14 лет и старше
- ★ Молодёжь, взрослые, сеньоры

www.dkra12.ru

vk.com/dkrosarmy

monoton96@mail.ru

64 - 20 - 99

Занись по телефону: **8 (987) 715-63-17**

Руководитель - тренер Российского танцевального союза Ирина Сокольская

«Ямде лий» газет
Тўн редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.

https://vk.com/yamde_lii
<https://t.me/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.rf

УЧРЕДИТЕЛЬ:
Марий Эл Республикысе
культура, печать да
калык-влакын пашашт
шотышто министерстве.

Газетым редакцийште
погымо да версталыме,
«Марий Эл Республикысе
Правительствын типографийже» ООО-што ямде
оригинал-макет гыч савыктыме. Типографийн
адресше: 424000, Йошкар-Ола, Комсомольский урем, 112.

Газетым Кыл, информационный
технологий да массовый коммуникаций
сферым эскериме шотышто федераль-
ный службын Юл кундем федеральный
округысо управленийыштыже регис-
трироватлыме.
Номер – ПИ № ТУ52-01335,
2021 ий 29 сентябрьште пуымо.

0+

Печатыш пуымо жап –
14-00,
фактически – 13-00

Авторын да редакцийн шоныма-
шышт тўрлö лийын кертыт. Серыш-
влак мөнгеш огыт колталт.
Ак – кутырен келшыме почеш.

Редакцийн да издательн адресше:
424006, Йошкар-Ола, СССР Вооружённый
Вийын 70-ше идалькыш урем, 20-шо пöрт.
Тел. 8(8362) 45-22-82(факс).



Егор СОЛОВЬЁВ.
Кужэгер, Саламатнур.




Ясмина ден Максим ФАДЕЕВМЫТ.

Йошкар-Ола.



Маша ПАСЫНКОВА.
Марий Турек посёлко.



Сүретыште могай модыш-влак шылыныт?


Йоча-влак 15, 8, 5, 13 ияш улыт. Нунын лүмышт – Ваня, Оля, Витя, Гена. Ик рвезе йочасадыш коштеш, Ваня Оля деч кугурак, а Ваня ден Витян ийготыштым ушет гын, числажым кумытлан пайлаш лиш. Кажныже мыняр ияш, палыза.

Тушто Лышташ воктене ший онгыр кеча.

Пеледыш-влакын лүмыштым муза.

О	Г	Е	О	Р	Г	И	Н	В	К
Г	О	Т	Л	И	Л	И	Т	Р	А
Л	Р	Ю	П	А	С	Т	Р	А	Н
А	Х	Л	И	С	О	С	Т	А	Д
Д	И	Ь	Н	Р	О	З	А	П	Ы
И	Е	П	У	А	С	Т	Р	О	В
О	Д	А	В	И	С	В	И	С	У
Л	К	Н	Ц	И	Н	И	Й	О	Й
У	С	Т	А	Л	А	М	А	К	Е
С	О	Л	И	Л	И	Й	Я	М	И

Даша ОЛЮНИНА.
Советский, Орша.



Йодыш олмеш числам шындыза.

Онар – марий талешке.



Екатерина ВЛАСОВАН
сүретше.

Йошкар-Ола, Бауман лицей.
Туныктышо – С.А.Орлова.

Интернетысе сүрет-влакым кучылтмо.



Динозавр футболкым муза.

Спорт йолалым кычалза.

Йолчим-влак кучшо шильныт?



Ужар кайыкан футболкым кычалза.

Чылаже мыняр кечке?

Могай носки мужыр деч посна?